



Na osnovu člana 2.9 stav (1) tačka 16. Izbornog zakona Bosne i Hercegovine („Službeni glasnik BiH”, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i člana 18. Poslovnika Centralne izborne komisije Bosne i Hercegovine ("Službeni glasnik BiH", broj 29/18), Centralna izborna komisija Bosne i Hercegovine je na 34. sjednici, održanoj 09.07.2020. godine, donijela

ZAKLJUČAK

Član 1. (Predmet)

(1) Pokreće se inicijativa za donošenje Zakona o dopunama Izbornog zakona Bosne i Hercegovine:

a) u članu 1.2a u stavu (1) iza riječi „ovog Zakona“ da se dodaju riječi „na način određen u članu 1.2b“.

U istom članu iza stava (6) da se doda novi stav (7) koji glasi: „Ukoliko institucije iz stava (1) ovog člana u roku iz stava (6) ovog člana ne osiguraju sredstva za provođenje izbora, Vijeće ministara Bosne i Hercegovine je dužno na zahtjev Centralne izborne komisije Bosne i Hercegovine u roku od osam dana donijeti posebnu odluku kojom se osiguravaju sredstva za provođenje izbora.“

b) iza člana 1.2a da se doda novi član 1.2b koji se sastoji od tri stava i to:

„(1) Centralna izborna komisija BiH, u skladu s odredbama člana 2.9 stav (1) tačka 3. ovog Zakona, priprema nacrt svog godišnjeg budžeta i dostavlja ga Komisiji za finansije i budžet Predstavničkog doma Parlamentarne skupštine BiH (u daljnjem tekstu: parlamentarna komisija) na odobravanje.

(2) Nakon dobivanja odobrenja iz stava (1) ovog člana, prema rokovima iz Zakona o finansiranju institucija BiH, Centralna izborna komisija BiH dostavlja Ministarstvu finansija i trezora BiH nacrt svog budžeta radi uvrštavanja u Budžet BiH.

(3) Ministarstvo finansija i trezora BiH, Vijeće ministara BiH i Predsjedništvo BiH mogu dati mišljenje o nacrtu budžeta Centralne izborne komisije BiH, bez mogućnosti izmjene nacrta budžeta, koji je prethodno odobren od parlamentarne komisije iz stava (1) ovog člana.“

Dosadašnji član 1.2b da postaje član 1.2c.

Član 2. (Realizacija i rokovi)

(1) Inicijativu iz člana 1. ovog zaključka sa obrazloženjem odmah dostaviti Parlamentarnoj skupštini Bosne i Hercegovine sa zahtjevom da se inicijativa putem ovlaštenih predlagača uputi u zakonodavnu proceduru na usvajanja po hitnom postupku.

(2) Obavijestiti o pokrenutoj inicijativi za donošenje Zakona o dopunama Izbornog zakona Bosne i Hercegovine članove Predsjedništva BiH, predsjedavajućeg Vijeća ministara BiH, Delegaciju Evropske unije, OHR, Vijeće za provedbu mira i OSCE Misiju u Bosni i Hercegovini.

Član 3.
(Stupanje na snagu)

Ovaj zaključak stupa na snagu danom donošenja.

Broj: 05-1-02-1-624-1/20
Sarajevo, 09.07.2020. godine

